

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1003/09
Sarajevo, 28.09.2009. godine

Z A P I S N I K
**25. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 28. septembra 2009. godine**

Sjednica je počela u 11.22.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, zamjenike premijera Vjekoslava Bevandu i Gavriela Grahovca, ministre u Vladi Federacije Bosne i Hercegovine, predstavnike udruženja, sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Muharem Serbezovski, Daliborka Milović, Lidija Bradara, Tomo Vidović, Kenan Keserović, Anto Bilić i Svetozar Pudarić.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Prije prelaska na rad delegati su, bez primjedbi, jednoglasno (43 glasa), usvojili Zapisnik 24. sjednice Doma naroda, održane 30. jula i 15. septembra 2009. godine.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Saša Magazinović postavio je dva pitanja.

Prvo pitanje odnosi se na pregled sredstava koje je BH Telecom izdvojio u cilju pokroviteljstva i izdvajanja za marketing u 2008. i prvoj polovici 2009. godine. Upitao je kakvi su postupci kada je u pitanju planiranje donošenja odluka o izdvajanju sredstava za ove dvije oblasti.

Drugo pitanje odnosilo se na propuste u radu na dionici autocesta Jošanica - Kakanj te je zatražio da mu se dostavi informacija o propustima prilikom izgradnje autoceste.

Elvira Abdić-Jelenović postavila je pitanje Federalnom ministarstvu finansija i Federalnom ministarstvu poljoprivrede, vodoprivrede i šumarstva.

Pitanje se odnosi na koji žiroračun „Agrokomerca“ su uplaćena sredstva za plaćanje troškova fizičke zaštite objekta ovog privrednog društva za period od 31.05.2008. godine te kojom je procedurom odabrana zaštitarska kuća i u čijem je vlasništvu kuća koja je obavljala poslove zaštite objekata.

Mislav Sučić postavio je pitanje koje se odnosi na integraciju rudnika Tušnica sa Elektroprivredom „HZ-HB“.

Drago Puzigaća pokrenuo je jednu inicijativu i postavio dva pitanja.

Inicijativa se odnosi na sprečavanje sječe šume na lokalitetima Raduklija, Jadovnik i Gudaja.

Postavio je dva pitanja Federalnom ministarstvu poljoprivrede, vodoprivrede i šumarstva.

Prvo pitanje odnosi se na to zašto se općinama Drvar, Glamoč i Bosansko Grahovo ne dozvoljava privatna sječa i pored urednih papira koje imaju vlasnici.

Drugo pitanje odnosi se na to zbog čega javno preduzeće „Hercegbosanske šume“ neće da primjenjuje Zakon o šumama i uplati šumske takse od 2% pozivajući se na novi Zakon o šumama koji još nije u parlamentarnoj proceduri. Na ova pitanja zatražio je pisane odgovore.

Ramo Isak pokrenuo je Inicijativu da se poništi tender koji je raspisala „Lutrija Bosne i Hercegovine“ u vezi sa fizičkim osiguranjem objekata i osoblja „Lutrije“. Izrazio je mišljenje da se svim zaštitarskim kućama na teritoriju Bosne i Hercegovine omogući prijava na tender bez obzira na broj zaposlenih u tim zaštitarskim kućama.

Mira Ljubijankić izrazila je zadovoljstvo zbog osiguranja sredstava u iznosu od 2,5 miliona KM za kupovinu lijeka „Herceptin“.

Ispred Kolegija Doma naroda upitala je Vladu Federacije i federalnog ministra finansija zašto Crveni križ Federacije nije dobio nikakva sredstva od igara na sreću, te zašto su umanjena sredstva od 57% za ovu godinu.

Mladen Lonić postavio je pitanje koje se odnosi na razlog čuvanja i korištenja privatnih šuma u Unsko-sanskom kantonu.

Josip Perić postavio je dva pitanja.

Ispred Kluba delegata hrvatskog naroda postavio je pitanje koje se odnosi na stanje u Federalnoj upravi civilne zaštite.

U svoje ime postavio je pitanje koje se odnosi na rad porezne uprave u vezi sa izdavanjem naloga za plaćanje poreznih obaveza i kamata koje je stiglo na adresu Ministarstva nauke, kulture i sporta Herceg-bosanskog kantona.

Zatražio je spisak svih javnih preduzeća, javnih institucija i svih drugih poreznih obveznika na prostoru Federacije koji nisu izmirivali porezne obaveze i u kojem periodu to nisu učinili.

Dženana Zlatar izrazila je nezadovoljstvo odgovorom koji je dobila od federalnog ministra prometa i komunikacija Naila Šećkanovića koje se odnosi na izdvajanje Instituta za promet, koji je bio dio Građevinskog fakulteta mimo odluke Skupštine Kantona Sarajevo.

Postavila je pitanje Upravnom odboru Federalne televizije vezano uz stručnu spremu, plaće i programe educiranja zaposlenih u Federalnoj televiziji.

Slobodan Tomić postavio je pitanje federalnom ministru prometa i komunikacija a odnosi se na svrhu i služenje semafora na cesti M17 u Hadžićima.

Edin Hozan postavio je tri pitanja.

Prvo pitanje postavio je predsjednici i potpredsjednicima Federacije kada će se pokrenuti postupak za popunu upražnjenih mjesta sudaca Ustavnog suda Federacije.

Drugo pitanje postavio je Vladi Federacije u vezi sa važenjem obaveznog osiguranja od autoodgovornosti na čitavom teritoriju Bosne i Hercegovine.

Treće pitanje uputio je Visokom sudskom i tužilačkom vijeću Bosne i Hercegovine vezano uz korištenje kolektivnih godišnjih odmora sudija Općinskog suda u Bugojnu, Odeljenje Jajce.

Muhamed Osmić postavio je dva pitanja.

Prvo pitanje postavio je Elektroprivredi Bosne i Hercegovine, Direkciji cesta Federacije Bosne i Hercegovine, FERK-u u vezi sa povećanjem cijene priključka za korištenje električne energije u stambenim i poslovnim

prostorima. Upitao je koliko je u Maglaju Elektroprivreda Bosne i Hercegovine uložila sredstava za izgradnju novih kapaciteta.

Drugo pitanje upućeno je Direkciji cesta Federacije Bosne i Hercegovine u vezi sa izgradnjom raskrižja na cesti M-17 i na smanjenje dozvoljene brzine na 60 km/h.

Bojan Bošnjak postavio je dva delegatska pitanja na koja je zatražio pisane odgovore.

Prvo pitanje postavio je Federalnom ministarstvu industrije, energetike i rudarstva u vezi sa istragom o nesreći koja se desila u rudniku mrkog ugljena u Zenici, u jami Straljani. Pitao je - koji su uzroci nesreće i što je učinjeno da se ovakve nesreće spriječe u rudnicima. Zatražio je i dostavljanje spiska zaposlenih u istom rudniku sa posebnim osvrtom na spisak zaposlenih sa visokom stručnom spremom.

Drugo pitanje postavio je Vladi Federacije Bosne i Hercegovine.

Upitao je - što će Vlada Federacije Bosne i Hercegovine učiniti kako bi se riješili problemi zaposlenika zeničkog preduzeća "Arcelor Mittal", koji su na čekanju, s obzirom na to da je Vlada Federacije suvlasnik ovog društva.

Besim Imamović postavio je dva delegatska pitanja.

Prvo pitanje postavio je Federalnom ministarstvu finansija, vezano uz izmjenu Zakona o pripadnosti javnih prihoda. Interesiralo ga je kada će u parlamentarnu proceduru biti dostavljena Informacija o rezultatima ovog Zakona, budući da je raspodjela koja se vrši na osnovu ovog Zakona, prema njegovim riječima, nepravedna. Zatražio je da se dostavi formula po kojoj se vrši raspodjela ovih prihoda.

Drugo pitanje postavio je Vladi Federacije Bosne i Hercegovine i premijeru.

Pitao je kada će u parlamentarnu proceduru biti dostavljena Informacija o stanju zaštite prirodnih resursa u pojedinim općinama.

* * *

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Potpredsjedavajući Doma naroda Besim Imamović, koji je tada predsjedavao sjednicom, obavijestio je delegate da je Vlada Federacije dostavila Prijedlog Zakona o dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine sa prijedlogom da se razmatra po hitnom postupku.

Na osnovu rezultata glasanja, predsjedavajući Doma naroda konstatovao je da je Dom naroda, sa 38 glasova za, uz jedan glas protiv i uz jedan uzdržani glas, prihvatio da se Prijedlog Zakona o dopunama

Zakona o utvrđivanju i načinu izmirenja unutrašnjih obaveza Federacije Bosne i Hercegovine razmatra po hitnom postupku.

Također, predsjedavajući je obavijestio delegate da je Vlada Federacije dostavila Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije i Prijedlog Zakona o izmjeni Zakona o početnom bilansu stanja preduzeća i banaka sa prijedlogom da se razmatraju po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz jedan uzdržani glas prihvatio da se Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku.

Na osnovu rezultata glasanja, predsjedavajući Doma naroda konstatovao je da je Dom naroda, sa 38 glasova za, uz dva uzdržana glasa i uz jedan glas protiv, prihvatio da se Prijedlog Zakona o izmjeni Zakona o početnom bilansu stanja preduzeća i banaka razmatra po skraćenom postupku.

Elvira Abdić-Jelenović predložila je da se Prijedlog Zakona o izmjeni Zakona o početnom bilansu stanja preduzeća i banaka skine sa dnevnog reda ove sjednice i da se donese zaključak kojim bi se obavezala Vlada Federacije da izvrši reviziju svih zakona o privatizaciji, kao i Zakona o početnom bilansu stanja preduzeća i banaka.

Predsjedavajući je stavio na glasanje ovaj prijedlog i, na osnovu rezultata glasanja, konstatovao da Dom naroda nije usvojio ovaj prijedlog, jer je za glasalo 11 delegata, 12 delegata je bilo uzdržano, a 16 delegata je bilo protiv.

Predsjednik Odbora za braniteljska i invalidska pitanja, rad, zdravstvenu i socijalnu zaštitu Fahrudin Skopljak je, ispred Odbora, zatražio objašnjenje zbog čega se u dnevni red sjednice nije uvrstio Prijedlog Zakona o izmjenama i dopunama Zakona o prestanku primjene Zakona o napuštenim stanovima – predlagač: Jasmin Duvnjak, zastupnik u Predstavničkom domu, budući da je Odbor 23.09.2009. godine zatražio od Kolegija Doma naroda da se Prijedlog Zakona uvrsti u dnevni red ove sjednice.

Predsjedavajući je odgovorio da je predloženi dnevni red koncipiran na zahtjev Vlade Federacije, a da će se ovaj Zakona uvrstiti u dnevni red neke od narednih sjednica.

Potom se glasalo o predloženom dnevnom redu.

Na osnovu rezultata glasanja, predsjedavajući Doma naroda konstatovao je da je Dom naroda, sa 37 glasova za i uz jedan glas protiv, usvojio sljedeći:

DNEVNI RED

1. Prijedlog Zakona o dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine – žurni postupak;
2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak;
3. Prijedlog Zakona o izmjeni Zakona o početnom bilansu stanja preduzeća i banaka – skraćeni postupak;
4. Prijedlog Zakona o izmirenju obaveza na osnovu računa stare devizne štednje u Federaciji Bosne i Hercegovine;
5. Nacrt Zakona o izmjenama i dopunama Zakona o igrama na sreću;
6. Nacrt Zakona o izmjenama i dopunama Zakona o Poreznoj upravi Federacije Bosne i Hercegovine;
7. Nacrt Zakona o izmjenama Zakona o eksproprijaciji;
8. a) Odluka o davanju saglasnosti za prihvatanje kredita Međunarodnog fonda za poljoprivredni razvoj (IFAD) za finansiranje Projekta poboljšanja životnih uvjeta na selu,
b) Odluka o davanju ssglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu,
c) Projektni sporazum (Projekt poboljšanja životnih uvjeta na selu) između Bosne i Hercegovine i Međunarodnog fonda za poljoprivredni razvoj,
d) Informacija o kreditu Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu;
9. Strategija zapošljavanja u Federaciji Bosne i Hercegovine (2009.- 2013.) sa zaključcima Vlade Federacije Bosne i Hercegovine;
10. Izbor i imenovanja.

1. Prijedlog Zakona o dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine

Prijedlog Zakona utvrdila je Vlada Federacije.

Predstavnički dom je na 24. sjednici od 28.07.2009. godine usvojio Prijedlog Zakona u tekstu kako ga je preložila Vlada Federacije.

Prijedlog Zakona razmatrala su nadležna radna tijela koja su dostavila svoje izvještaje.

Prijedlog Zakona obrazložio je Tihomir Ćurak, pomoćnik federalnog ministra finansija.

U raspravi su učestvovali: Elvira Abdić-Jelenović, Igor Rajner, Muhamed Osmić i Tihomir Ćurak, pomoćnik federalnog ministra finansija.

Na osnovu rezultata glasanja, predsjedavajući je konstatovao da je Dom naroda, sa 38 glasova za, uz jedan uzdržani glas i uz jedan glas protiv, usvojio Prijedlog Zakona o dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine.

2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije

Prijedlog Zakona utvrdila je Vlada Federacije.

Predstavnički dom je na 24. sjednici od 28.07.2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Mira Bradara, pomoćnica federalnog ministra finansija.

U raspravi su učestvovali Igor Rajner i Mira Bradara, pomoćnica federalnog ministra finansija.

Na osnovu rezultata glasanja, predsjedavajući je konstatovao da je Dom naroda, sa 40 glasova za i uz jedan uzdržani glas, usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

3. Prijedlog Zakona o izmjeni Zakona o početnom bilansu stanja preduzeća i banaka

Prijedlog Zakona utvrdila je Vlada Federacije.

Predstavnički dom je na 24. sjednici od 28.07.2009. godine usvojio Prijedlog Zakona u tekstu kako ga je predložila Vlada Federacije. Tom prilikom usvojio je zaključak.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložila je Mira Bradara, pomoćnica federalnog ministra finansija.

U raspravi su učestvovali: Elvira Abdić-Jelenović i Vjekoslav Bevanda, federalni ministar finansija.

Na osnovu rezultata glasanja, predsjedavajući je konstatovao da je Dom naroda, sa 34 glasa za, uz jedan glasom protiv i uz pet uzdržanih glasova, usvojio Prijedlog Zakona o izmjeni Zakona o početnom bilansu stanja preduzeća i banaka.

4. Prijedlog Zakona o izmirenju obaveza na osnovu računa stare devizne štednje u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 24. sjednici od 28.07.2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Tihomir Ćurak, pomoćnik federalnog ministra finansija.

Ispred Zakonodavno-pravne komisije predsjednik Komisije Alija Begović je ukazao na **tehničku pogrešku** u članu 13. stav 3., gdje umjesto riječi: "članu 1. stav 2." treba da pišu riječi: „članu 2. stav 2.“, što je predstavnik predlagača prihvatio.

Potom se delegatima obratio Muriz Srkalović, predstavnik Udruženja starih deviznih štediša Federacije Bosne i Hercegovine.

U raspravi su učestvovali: Mira Ljubijankić, predsjednica delegata Kluba srpskog naroda, Elvira Abdić-Jelenović, Josip Perić, predsjednik Kluba delegata hrvatskog naroda, Mislav Sučić, Vjekoslav Bevanda, federalni ministar finansija i Dragomir Bilić.

Na osnovu rezultata glasanja, predsjedavajući je konstatovao da je Dom naroda, sa 31 glasom za, uz pet glasova protiv i uz četiri uzdržana glasa, usvojio Prijedlog Zakona o izmirenju obaveza na osnovu računa stare devizne štednje u Federaciji Bosne i Hercegovine.

5. Nacrt Zakona o izmjenama i dopunama Zakona o igrama na sreću

Nacrt Zakona utvrdila je Vlada Federacije.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je predstavnik Vlade Federacije Hajrudin Hadžimehanović, pomoćnik federalnog ministra finansija.

U raspravi su učestvovali: Sead Čaušević, Mira Ljubijankić, predsjednica Kluba delegata srpskog naroda, Igor Rajner, Bojan Bošnjak i Hajrudin Hadžimehanović.

Na osnovu rezultata glasanja, predsjedavajući Doma naroda je konstatovao da je Dom naroda jednoglasno (44 glasa), usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o igrama na sreću i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

6. Nacrt Zakona o izmjenama i dopunama Zakona o Poreznoj pravu Federacije Bosne i Hercegovine

Nacrt Zakona utvrdila je Vlada Federacije.

Predstavnički dom je na nastavku 24. sjednice od 14.09.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je predstavnik Vlade Federacije Hajrudin Hadžimehanović, pomoćnik federalnog ministra finansija.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda, sa 40 glasova za i uz dva glasa protiv, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o Poreznoj upravi Federacije Bosne i Hercegovine i smatra da može poslužiti kao osnov za izradu prijedloga Zakona.

7. Nacrt Zakona o izmjenama Zakona o eksproprijaciji

Nacrt Zakona utvrdila je Vlada Federacije.

Predstavnički dom je na nastavku 24. sjednice od 14.09.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Željko Obradović, direktor Federalne uprave za geodetske i imovinsko-pravne poslove.

U raspravi su učestvovali: Nikola Simić, Igor Rajner, Denis Zvizdić i Željko Obradović, direktor Federalne uprave za geodetske i imovinsko-pravne poslove.

Na osnovu rezultata glasanja, predsjedavajući Doma naroda je konstatovao da je Dom naroda, sa 40 glasova za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama Zakona o eksproprijaciji i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

8. a) **Odluka o davanju saglasnosti za prihvatanje kredita Međunarodnog fonda za poljoprivredni razvoj (IFAD) za finansiranje Projekta poboljšanja životnih uvjeta na selu**
- b) **Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu**
- c) **Projektни sporazum (Projekt poboljšanja životnih uvjeta na selu) između Bosne i Hercegovine i Međunarodnog fonda za poljoprivredni razvoj**
- d) **Informacija o kreditu Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu**

Odluke je donijela Vlada Federacije i dostavila ih Parlamentu radi razmatranja i odobrenja.

Predstavnički dom je na nastavku 22. sjednice od 28.05.2009. godine odobrio ove odluke.

Odluke su razmatrala nadležna radna tijela i dostavila svoje izvještaje.

Ispred Odbora za poljoprivredu, vodoprivredu i šumarstvo izvještaj Odbora pročitao je Zoran Budimić, predsjednik Odbora.

U raspravi nije ntko učestvovao.

Potom se prešlo na glasanje.

- a) **Odluka o davanju saglasnosti za prihvatanje kredita Međunarodnog fonda za poljoprivredni razvoj (IFAD) za finansiranje Projekta poboljšanja životnih uvjeta na selu**

Na osnovu rezultata glasanja, predsjedavajući Doma naroda je konstatovao da je Dom naroda, sa 39 glasova za, uz jedan uzdržani glas i uz jedan glas protiv, donio Odluku o odobravanju Odluke o davanju saglasnosti za prihvatanje kredita Međunarodnog fonda za poljoprivredni razvoj (IFAD) za finansiranje Projekta poboljšanja životnih uvjeta na selu.

b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu

Na osnovu rezultata glasanja, predsjedavajući Doma naroda je konstatovao da je Dom naroda jednoglasno (41 glas) donio Odluku o odobravanju Odluke o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu.

c) Projektni sporazum (Projekt poboljšanja životnih uvjeta na selu) između Bosne i Hercegovine i Međunarodnog fonda za poljoprivredni razvoj

Na osnovu rezultata glasanja, predsjedavajući Doma naroda je konstatovao da je Dom naroda, sa 41 glasom za i uz jedan uzdržani glas, odobrio Projektni sporazum (Projekt poboljšanja životnih uvjeta na selu) između Bosne i Hercegovine i Međunarodnog fonda za poljoprivredni razvoj.

d) Informacija o kreditu Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu

Na osnovu rezultata glasanja, predsjedavajući Doma naroda je konstatovao da je Dom naroda jednoglasno (41 glas) primio **na znanje** Informaciju o kreditu Međunarodnog fonda za poljoprivredni razvoj (IFAD) za Projekt poboljšanja životnih uvjeta na selu.

9. Strategija zapošljavanja u Federaciji Bosne i Hercegovine (2009. - 2013.) sa zaključcima Vlade Federacije Bosne i Hercegovine

Predsjedavajući je podsjetio delegate da je Dom naroda na nastavku 23. sjednice od 09.07.2009. obavio raspravu o ovoj tački i vratio materijal predlagaču na doradu sa napomenom da prilikom izrade novog teksta Strategije ima u vidu prijedloge, primjedbe i sugestije iznesene na sjednici Doma naroda.

Predstavnički dom je na nastavku 21. sjednice od 21.04.2009. godine usvojio Strategiju zapošljavanja Federacije Bosne i Hercegovine (2009. - 2013.) sa zaključcima Vlade Federacije Bosne i Hercegovine.

Ispred Vlade Federacije Strategiju je obrazložila Džana Kadribegović, pomoćnica federalnog ministra rada i socijalne politike.

U raspravi su učestvovali Muhamed Osmić i Nikola Simić.

Na osnovu rezultata glasanja, predsjedavajući Doma naroda je konstatovao da je Dom naroda, sa 40 glasova za i uz tri uzdržana glasa, usvojio Strategiju zapošljavanja Federacije Bosne i Hercegovine (2009. - 2013.) sa zaključcima Vlade Federacije Bosne i Hercegovine.

10. Izbor i imenovanja

- Prijedlog za imenovanje jednog člana Državne regulatorne komisije za električnu energiju iz Federacije Bosne i Hercegovine

Predsjedavajući je podsjetio delegate da Dom naroda na nastavku 24. sjednice od 15.09.2009. godine nije donio odluku o predlaganju **Mirsada Salkića** za jednog od članova Državne regulatorne komisije za električnu energiju iz Federacije Bosne i Hercegovine, jer odluka nije dobila potrebnu većinu glasova delegata, iako u raspravi nije bilo nikakvih osporavanja predloženog kandidata.

Na osnovu toga Kolegij Doma naroda predložio je da se ponovno glasa o Prijedlogu Odluke.

Na osnovu rezultata glasanja, predsjedavajući je konstatovao da je Dom naroda, sa 32 glasa za, uz 11 uzdržanih glasova i uz jedan glas protiv, donio Odluku o predlaganju **Mirsada Salkića** za jednog od članova Državne regulatorne komisije za električnu energiju iz Federacije Bosne i Hercegovine.

Sjednica je završena u 15.40.

* * *

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVALAČI

Stjepan Krešić